



17. august 2012

UKA 2012/36

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Inuiaqatigiinni siulersuisutut ilaasortaaffinni pingaarutilinni issiasussanngorlugit toqqarneqartartut toqqaqqinneqartartullu piukkunnarneri piginnaanerilu Inatsisartunit paasisimasaqarfigileqqullugu ataavartumik Naalakkersuisut namminersorlutik oqartussani 100 %-mik pigineqartuni siulersuisut pillugit nalilersuinerneq Inatsisartut Kukkunersuinerneq Ataatsimiititaliaanut taamatullu Inatsisartut Aningaasaqarnerneq Akileraartarnerneq Ataatsimiititaliaanut nassiussisalernissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut**  
(Inatsisartunut ilaasortaqaq Andreas Uldum, Demokraatit)

### **Tunggavilersuut**

Isertorneqassanngilaq nunami maani isornartorsiorneqartarnikuummat naalakkersuisoqatigiinngortartut namminersorlutik oqartussat suliffiutaasa siulersuisuut ilaasortassanik toqqaasarsimanerat.

Arlaleriarluta takusarnikuuqarput, siulersuisuut ilaasortanngortut nikassarneqartarmata atorfimminnut piukkunnaateqanngitsutut. Siulersuisuut ilaasortat aamma tusakulanikuuaat toqqarneqarsimallutik ilaqutaanernik imaluunniit partiimut aalajangersimasumut ilaasortaanertik pissutiginnarlugu.

Qulaani taaneqartutut pisuutitsiniutit – immaqa – immaqa naamik – ilaatigut tunggavissaqartarput. Kisianni aamma qularnanngilaq ilaqarmata siulersuisuni ilaasortaanissaminut piukkunnaateqarluartunik pisuutinneqartartunilli toqqarneqarsimallutik kammalaatersorneq pissutaalluni. Isiginnaartuulluni tujorminarpoq. Naalakkersuisut siulersuisuni ilaasortassanik toqqakkat issiaannarsinnaanerineq nalilersuinerneq atatillugu sakkussanik peqalernikuupput. Siulersuisuni ilaasortat tamarmik suliffimmit avataaniittumit arlaannaannullu atanngitsumit nalilersorneqartalernikuupput, taakku nalunaarusiortarput ersersillugu, siulersuisut ataatsimoorlutik qanoq angusaqarsimanersut aamma siulersuisuni ilaasortat ataasiakkaat nalilersorneqartarput.

Siulersuisut pillugit naliliinerit soorunami Naalakkersuisuut tunniunneqartarput aalajangertoqartinnagu siulersuisuut ilaasortat toqqaqqinneqassanersut. Demokraatini naatsorsuutigilluinnarparput, siulersuisuni ilaasortat nalilersornerlunneqartut taarserneqartarsimassasut inunnik piukkunnarnerusunit, kisianni ilisimannngilarput, siulersuisuni ilaasortanik nalilersuisarneq kikkunnut tamanut takusassiarineqarneq ajormata.

Matumani siunnersuuteqarnikkut ammanerusumik ersarinnerusumillu siulersuisuni ilaasortat

ataasiakkaat piginnaanerit eqqartorneqartalissapput. Ilaquttanik qanigisanilluunniit toqqaasarneq kammalaatigiiaarnerlu pinaveersimatinneqalissapput.

Naggataatigut erseqqissarusuppara, Demokraatini arlaannaatigulluunniit ilisimasaqarfiginnginnatsigu siulersuisut siulersuisuniluunniit ilaasortat ataasiakkaat, ajortumik nalilersorneqarsimagaluarlutik Naalakkersuisunit toqqaqqinneqarsimanersut. Siunnersuutip siunertaraa siunissami ammanerusumik ersarinnerusumillu periuseqartoqalernissaa, misigissutsinik attuilluartartumut siulersuisuni ilaasortassanik toqqaanermut atatillugu.

**Pisortanut aningaasatigut allaffissornikkullu kingunissai**

Soqanngilaq.

**Namminersorlutik Inuitissarsiortunut aningaasatigut allaffissornikkullu kingunissai**

Soqanngilaq.

**Innuttaasunut aningaasatigut allaffissornikkullu kingunissai**

Soqanngilaq